

Nangaassutigisanut apeqqutit uunga: **Qeqqata Kommuniani tammajuitsussarsiorluni piniarnermut akuersissut**

Apeqqu 1.

Ataatsimut isigalugu tammajuitsussarsiorluni piniarnermut allagartaqarnissamut, aammalu tammajuitsussarsiorluni piniarnermik misilittagaqarnissamut neqeroortitsinermi piumasqaateqartoqarpasinnigilaq. Piviusutut “Kalaallit Nunaanni tammajuitsussarsiorluni piniarnermik qinnuteqartup misilittagaqarnera annertussusilerlugulu ingerlataqarnera” nalilersuinermi najoqqutassani taamaallaat tullersortaavoq.

Isumaqaarnerpali qinnuteqartoq suliffeqarfiuppat sumiiffimmik tunineqassaguni ingerlaannartumik allagartartaartitaassasoq, taamaalillunilu naammaginartumik iluarinassusilimmik qinnuteqaammik tunniussaqaarnermigut allagartartaarutaasumik “pisiaqarsinnaalluni”?

Apeqqu 1-imut Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoqarfiup oqaaseqaatai:

Imaaliallaannaq allagartaqarnissaq pillugu piumasqaateqartoqanngilaq, soorlu tamanna ilutigalugu tammajuitsussarsiorluni piniarnermut akuersissummik tunniussineq imminermini tammajuitsussarsiorluni piniarnermut allagartamik akuersissummik piginnittup pissarsinissaanik nassataqanngitsoq.

Neqeroortitsinermit najoqqutassiani immikkoortoq 6.6.4-p malitsigaa qinnuteqaat siusinnerusukkut takornariartitsinermit tunisassiat assinginik imaluunniit assingusunik neqerooruteqarnermik, tunisinermit pilersuuteqarnermillu qinnuteqartup misilittagarisaata nassuiaataanik imaqaassasoq, ilimanarsarneqarsinnaassamat qinnuteqartut pisariaqartunik piginnaasaqartut takornariartitsinermit suliarisat pilersaarutigineqartut naammassinissaannut, ineriartortitsinermit pilersaarutaasumi nassuiarneqartut naapertorlugu.

Neqeroortitsinermit najoqqutassiani immikkoortoq 6.7-imi qinnuteqartoq pillugu piumasqaatit pineqarput, ilanngullugit qinnuteqartup misilittagarisaanut piumasqaatit suut piumaneqarnermut tamatumunngalu uppernarsaatit.

Taakku saniatigut nalilersuinermi najoqqutassat pillugit immikkoortoq 6.8-p imaraa immikkoortoq immikkut ittoq suliamik paasisimasaqarneq/paasisimasaqarneq pillugu aamma suliniutinik assingusunik misilittagaqarsimaneq, takuuk immikkoortoq 6.8.2. Neqeroortitsinermit najoqqutassiani immikkoortoq 6.8.5-imi nalilersuinermi najoqqutat tulliusut apeqqut 1-imi innersuussutigineqartut qinnuteqartut nalilersorneqarneranni ilanngutitinneqassapput, qinnuteqartut arlallit immikkoortut 6.8.1 – 6.8.4-mut nalilersuinermi najoqqutassiat tunngavigalugit assigiimmik nalilersugaassappata.

Apeqqu 2.

Taamaallaat Kalaallit Nunaanni ingerlatseqatigiiffimmik Kalaallit Nunaannit siulersuisulimmik, akunnermiliuttumik imaluunniit taamaattoqartinnagu pilersitsisoqaannarluni nunanit allanit qinnuteqaatit tigueqartarnissaannut neqeroortitsinermit kaammattuisoqarnera assut ernumanartuuvoq. Tamatumami tammajuitsussarsiorluni piniarnermik aaqquissuussisartut akuerisaasut pioreersut saneqqullugit Kalaallit Nunaanni piniartitsinermit namminneq ingerlassaqarnissaminnut nunanit allanit piniariartitsillutik angalatitsisartoqatigiit periarfississavai.

Taamaallaat uumasut amigaataaneri/tikikkumina(a)ssuseq/piniartut allat pissutigalugit allat qinnuteqarfiginngisaat sumiiffiit arlaat qinnuteqarfigiinnassavaat, taamaalillunimi Kalaallit Nunaannut tunngaveqartuunissaq pillugu piumasaqaat sunniuteqarunnaassaaq, tassalu Kalaallit Nunaanni tammajuitsussarsiorluni piniartitsinerup namminneq ingerlatarilernissaanut akuerisaalissapput.

Taamaalilluni inuussutissarsiorfimmik tamanna aarleqqusiisuuvoq, asisiortartut (outfitterit) suliffeqarnerminnut tunngavigeriigaat nunanit allanit piniariartitsinermik angalatitsisartunik, taamaallaat nunanit allamiunik sulisunik atugaqarlutillu Kalaallit Nunaannut sinneqartoorutiminnik inissiineq ajortunik unammillerteqarnerisigut aserugaasinnaalluni. Outfitterioreersut aningaasanik eqqussuinerat annertuupilussuugaluartuq nunamit aniatinneqalissanerannik tamatuma nassatarissavaa. Taamaalillutik outfitterit aamma Kalaallit Nunaat tamarmiulluni tamatumuuna annaasaqassapput.

Taamaattumik periarfissap taassuma peerneqarsinnaanginnera apeqqutigerusuppara, tamannalu akuersissummik qinnuteqarsinnaaneq sioqqullugu qiunnuteqartut akuersissummik allagartaqarnissaannik piumassaqaateqarnikkut pisinnaassalluni. Taamaangippalluunniit apeqqut 1 malillugu akuersissummik allagartaqarnermik pissarsiaqarneq taamaallaat sumiiffimmi akuersissummik tunniussaqaarfiusumi tammajuitsussarsiorluni piniarnermut pisinnaatitsissasoq, taamaalilluni sumiiffinni akuersissuteqarfiunngitsuni sumi tamaani piginnittut nunanit allaneersut tassangaannartumik piniariartitsilersinnaatinnagit?

Apeqqut 2-mut Inuussutissarsiornermut, Suliffeqarnermut, Niuernermet Nukissiuuteqarnermullu Naalakkersuisoqarfiup oqaaseqaatai:

Pingaarnertut inatsimmi anguniagaq tassaavoq takornariartitsinermik inuussutissarsiummik piffissamut sivisuumut ineriartortitsinissamut toqqammavissanik pilersitsinissaq, inuussutissarsiorfimmi takornariartitsisartut pisariaqartitanik namminersuutigisaminnik aningaasaliisassallutik. Inuiaqatigiinni aningaasaqarnikkut isiginniffik aallaavigalugu namminersuutigalugu aningaasaliinernut atugassatut toqqammaviit aalaakkaasut qularnaarnissaat tulluurtuuvoq.

Takornariartitsinermik suliarisanut akuersissutit Kalaallti Nunaanni takornariat misigisaannit annertunerusumik naleqassutsinik pilersitsinissamut periarfissiissapput. Takornariartitsinermik inuussutissarsiorfiup ineriartortinnera annertunerusumik kaaviiartitsinertalik najukkami inuiaqatigiinnut kimillaasumik sunniuteqartitsissaaq, aammalu suliarisanik annertunerusunik pilersitsillunilu najukkami siuarsaassalluni.

Inatsisartut inatsisaata aamma tammajuitsussarsiorluni piniarnermut akuersissuteqarnissamut neqeroortitsinermut najoqqutassiat suliarinerannut atatillugu najukkami tunngaveqartitsinissap pingaaruteqassusia pingartinneqarsimapput.

Taamaalilluni timalittut inuk imaluunniit ingerlatseqatigiiffik qinnuteqartuusut pineqaraluarpata attaveqarnissamut piumasaqaatinik arlalinnik naapertuutsitassanik Inatsisartut inatsisaat imaqarpoq, takukkit Inatsisartut inatsisaanni §§ 14 aamma 15.

Timalittut inuk takornariartitsinermut akuersissummik qinnuteqaraangat inatsisip § 14-iani tamanna imatut allassimavoq:

”§ 14. Takornariatitsinermi ingerlataqarnermut akuersissut inummut piunasaqaatinik makkuninnga tamanik eqquutsitsisumut taamaallaat tunniunneqarsinnaavoq:

1) Inuk piffissami katillugit ikinnerpaamik ukiut marluk sioqqullugit ilaatinneqartunut Kalaallit Nunaanni inuit allattorsimaffiat malillugu najugaqarsimasoq.

2) Inuk inuit allattorsimaffiat malillugu Kalaallit Nunaanni najugaqartoq.

3) Inuk Kalaallit Nunaanni tamakkiisumik akileraartussaataasooq.

4) Inuup aningaasatigut pisuussutiminik tamakkiisumik atuisinnaatitaasooq, tamatumunngalu atatillugu akilersuinerminik unitsitsisimassanani, akiliisinnaajunnaarsimassanani imaluunniit tamakkununnga nallersuussinnaasunik inissisimassanani.

Imm. 2. Inuk akuersissut malillugu pisinnaatitsissummik pigisaqartoq, piffissaq akuersissuteqarfiusoq tamaat imm. 1-imi piunasaqaataasut eqquutsissimassavai.”

Piunasaqaatit allassimaneqartut tamarmik naapertuutsitaassanerat malugineqassaaq.

Qinnuteqartoq ingerlatseqatigiiffiupat inatsimmi § 15-imi piunasaqaatit ingerlatseqatigiiffiup naapertuutsissavai:

”§ 15. Takornariatitsinermi ingerlataqarnissamut akuersissut taamaallaat suliffeqarfimmu piunasaqaatinik makkuninnga eqquutsitsisumut tunniunneqarsinnaavoq:

1) Suliffeqarfik aktieselskabiussaaq imaluunniit anpartselskabiussaaq Kalaallit Nunaanni angerlarsimaffeqartutut nalunaarsorsimasoq.

2) Suliffeqarfik aningaasatigut pisuussutiminik tamakkiisumik atuisinnaatitaasooq, tamatumunngalu atatillugu akilersuinerminik unitsitsisimassanani, akiliisinnaajunnaarsimassanani imaluunniit tamakkununnga nallersuussinnaasunik inissisimassanani.

Imm. 2. Suliffeqarfik akuersissut malillugu pisinnaatitsissummik pigisaqartup piffissaq akuersissuteqarfiusoq tamaat imm. 1-imi piunasaqaatit eqquutsittussaavai.”

Takornariatitsinermut akuersissutip nalunaarutiginera tamanut ammatitamik neqeroortitsineq tunngavigalugu pisarpoq, qulaani attaveqarnissamik piunasaqaatinik nalunaarsukkanik naapertuutsitsisut qinnuteqarnissamut periarfissaqartuullutik.

Qinnuteqartumut piunasaqaataasunik tamanik timitalittut inuttulli ingerlatseqatigiiffik assingusumik naapertuutsitsissaaq aammalu inuttulli timitalittut nalilersuinermit najoqqutassiat assingi atugarisussaavai, Kalaallit Nunaanni ingerlatseqatigiiffik pilersinneqareersimasoq imaluunniit takornariatitsinermik akuersissummik tunniussaqaarnermut atatillugu Kalaallit Nunaanni angerlarsimaffeqartutut ingerlatseqatigiiffik pilersinneqartoq pineqarneris apequtaatinnagu.

Inatsisartut inatsisaanni § 15 malillugu ingerlatseqatigiiffik Kalaallit Nunaanni angerlarsimaffeqassanera, aammalu aningaasaatigisaminik tamakkiisumik atuisinnaassanera Kalaallit Nunaannut attaveqarnissamik piunasaqaataasutut inississorneqaraangat ima isumaqarpoq ingerlatseqatigiiffiup Kalaallit Nunaannut tamakkiisumik akileraaruteqartarnissaminut pisussaaffeqartitaanera.

Tammajuitsussarsiorluni piniarnermut akuersissummik tunniussaqaarnermut toqqartuinermit najoqqutassiat sorliit pingaaruteqartitassanerat Inatsisartut inatsisaanni § 9-p aalajangersarpai. Kalaallit Nunaanni najukkamik tunngaveqarnerup qulakkeerneqarnissaa siunertaralugu § 9, imm. 4, nr. 2-p ilanngunneqarnera malugeqqunarpoq.

Aalajangersagaq imatut imaqarpoq:

*”§ 9, imm. 4. Periuseq qinnuteqartup takornariartitsinermit nioqqutissap imaluunniit nioqqutissat qinnuteqaammut ilaasut qanoq ililluni tunniunnissaannut siunertaqarnersoq pillugu qinnuteqartup ingerlataqarnissaminut missiliuutaani uppernarsarneqarsimasut, tamakkununga ilaallutik:
Nr. 2) Qinnuteqartup suliffissanik pilersitsinissaminut kiisalu isumaqatigiissusiordermi, pilersuinermit kiffartuussutinilu pilersuisunik nunaqavissunik atuinissaminut piumassuseqarnera piginnaasaalu.”*

Aammattaq Kalaallit Nunaanni tunngaveqartitsinissamut piumasaqaatit neqeroortitsinermit najoqqutassiani immikkoortoq 6.8.4-mi piviusorpiamik oqaasertalersugaapput, taakkulu innersuussutigineqarput.

Oqimaassusiliinermit tamarmiusumi Kalaallit Nunaanni tunngaveqartitsinissap 25 %-inik oqimaassusiligaanerata maluginiarnissaa pingaartuuvoq. Tamakkiisumik oqimaassusiliinermit Kalaallit Nunaanni tunngaveqartitsinerup nalilersuinermit immikkoortitatut najoqqutassat aammalu 25 %-inik ilaatitaanera taamatut Kalaallit Nunaannut attaveqartuunatik qinnuteqartunut naleqqiullutik unammillertoqarnermit najukkami tunngaveqartuullutik qinnuteqartut inissilluartussaassavaat.

Qinnuteqaatit marluk imaluunniit amerlanerit akornanni assigiimmik nalilersuinermit kinguneqassappat, taava inaarutaasumik nalilersuineq toqqartuinerlu tulliuutitut nalilersuinermit najoqqutassat tunngavigalugit pissaaq, tamarmik Kalaallit Nunaanni tunngaveqartitsinermit tunngasut, takuuk neqeroortitsinermit najoqqutassiani immikkoortoq 6.8.5.

Kiisalu *Inatsisartut inatsisaanni § 9, imm. 5-imi* allassimavoq nalilersuinermit najoqqutassiat inaarutaasumik toqqartuinnissaq siunertaralugu aalajangersaasut *atuumassuteqartuussasut, kinaassusersiussanngitsut aammalu assigiinngisitsissanngitsut.*

Immikkoortoq 3.3

Apeqqu 3

Sumiiffiit akuersissuteqarfiusut avataanni piniartoqarsinnaasoq naatsorsuutigaara, sumiiffinni immikkoortitikkani uumasut nassaarineqarsinnaajuartuunnginneri pissutigalugu; taamaallaat sumiiffinni 1-4-mi naammattunik uumasoaqarnissaa naatsorsuutigineqarsinnaavoq. Assersuutigalugu sumiiffiit 5-7 uumasoaqanngissinnaapput, umimmaat sumiiffiit 6+7-ip kitaani ukiuunerani nassaarineqartarsinnaapput, taamaallutik takutinneqartutut akuersissuteqarfigisatut sumiiffinniinnaanngitsoq akuersissutit immikkoortiterneqassanerput, sulili akuersissummut pituttugaanngitsunik akuersissutinik pissarsisoqarsinnaassanerpoq.

Apeqqu 3-mut Inuussutissarsiordermit, Suliffeqarnermit, Niuernermit Nukissiuuteqarnermullu Naalakkersuisoqarfiup oqaaseqaatai:

Piniartarfittut sumiiffimmi tammajuitsussarsiorderluni piniarnermit akuersissummik nalunaarfigineqarsimatilluni, soorlu piniarfittut sumiiffik 5-imi, nammineq killiligaasutut piniarfimmi sumiiffigisamini tammajuitsussarsiorderluni piniarnermit akuersissummik piginnittoq taamaallaat neqerooruteqarsinnaanerani tamanna isumaqarpoq.

Taamaattorli tammajuitsussarsiorluni piniarnermik suliaqartoq tammajuitsussarsiorluni piniarnermut akuersissummik nalunaaruteqarfiusut sumiiffiit avataanni umimmanniarluni akiliuteqarluni piniarnermik aaqqissuussinissamut akuersissuteqarnissaq pillugu manna tikillugu akiliuteqarluni piniarnermut malittarisassat atuuttut malillugit Namminersorlutik Oqartussanut suli qinnuteqarsinnaatitaavoq, takuuk Akiliuteqarluni aallaaniarneq aalisarnerlu pillugit Namminersornerullutik Oqartussat nalunaarutaat nr. 22, 19. august 2002-imeersoq.

Immikkoortoq 5.1:

Apeqqutinut 4+5+6+7 annikitsumik tunngavigisaaq

Aasakkut ukiuuneranilu sumiiffinnik akuersissuteqarfiusunik uumasunik tamanik najuuffiusunik kikkut tamarmik pissarsiaqarsinnaanngillat, sumiiffiit taamaallaat ataasiakkaaluit ukioq kaajallallugu atorneqarsinnaammata, naammattunillu uumasoqarlutik.

Aammami uumasut nikittarput, taamaattumik ukiumi ataatsimi immaqa sumiiffigisamini uumasut amerlanerpaat nassaassaasarput, aappaguanili sumiiffiup avataani amerlanerpaat nassaarineqartariaqartarlutik.

Taamaattumik tammajuitsussarsiorluni piniarnermik aaqqissuussisartut ilaat ukiunut ataasiakkaanut tamanut immikkut akitsuutit 50-100.000 kr.-nik akiligassarsisneqassapput. Tassungalu amerlanerpaat piniariarnermik angalatitsisartunik akinik 2019-imi atugassanik isumaqatigiissuteqareersimapput, akigititanillu il.il. pilerisaaruteqareersimasarlutik. Taamaattumik taamatut immikkut akitsuummik akiligassaliisneqarneq iluanngitsupilussuavoq.

Sumiiffiit akuersissuteqarfiunngitsut avataanni akigitat marloqiusanngortinneri naapertuuppasinngilaq, tamanna sumiiffimmut ataatsimut kikkut tamarmik qinnuteqarnissaannik pinngitsaaliiniarnertut misileraanertut naatsorsuutigineqartariaqarluni, inuussutissarsiorfimmuut iluaqutaanngitsumik tamakku tamakkerlutik annertoorujussuarmik ajoqusiisussaaneri apeqqutaatinneqaratik. Iluaqutissanik tunniussissanngillat, paarlattuanilli akigititagut qaffattariaqassapput, taamaalilluta tammajuitsussarsiorluni piniariartarfinnut allanut aamma nunanit allanit suliaqartuusunut naleqqiulluta unammillersinnaanerput annikillisinneqarluni, takuuk apeqqut 2.

Apeqqut 4.

Makkuuku qanoq isumaqarpiartut:

| Suussuseq | Umimmannut ataas. akitsuut | Tuttunut ataas. akitsuut |
|--|-----------------------------------|---------------------------------|
| Pisinnaatitsissummik pigisallit | 2.000 DKK | 1.000 DKK |
| Pisinnaatitsissummik pigisaqanngitsut | 4.000 DKK | 2.000 DKK |

Imatut paasineqassava sumiiffimmik akuersissuteqarfisamik pigisaqanngitsunut tamanut akitsuutit marloriaatinngortinneqassanerat?

Apeqqut 4-mut Inuussutissarsiornermut, Suliffeqarnermut, Niuernermit Nukissiuuteqarnermullu Naalackersuisoqarfiup oqaaseqaatai:

Pisinnaatitsissummik piginnittoq, tassaasoq tammajuitsussarsiorluni piniarnermut akuersissummik tunniussivigineqartoq, sumiiffiup akuersissuteqarfiusup iluani umimmammut pisarineqartumut ataatsimut akitsuut 2.000 kr., aamma tuttumut ataatsimut 1.000 kr. akilertassavaa.

Akuersissummik piginnittuunngitsut, tassaasut takornariat tammajuitsussarsiorluni piniarnermi peqataasut, sumiiffiup akuersissuteqarfiusup iluani umimmammut pisarineqartumut ataatsimut akitsuut 4.000 kr., aamma tuttumut ataatsimut 2.000 kr. akilertassavaat.

Tassunga atatillugu qinnuteqartut tammajuitsussarsiorluni piniarnermut akuersissummik nalunaarfigineqartut pisarisanut ataasiakkaanut akitsuutaasup saniatigut ukiuni siullerni 1-3-ni ukiumoortumik akitsuut 5.000 kr. akilertassagaat malugissallugu pingaartuuvoq. Ukiut 4-nniit akitsuut 7.500 kr.-nut qaffanneqassaaq, ukiullu 7-nniit 10.000 kr.-nut qaffanneqassalluni. Taamaattorli sumiiffiit akuersissuteqarfiusut 10-12 taamaallaat ukiumoortumut akitsuutaasuni aningaasat taakku 50 %-iinik akiliuteqaannartassapput.

Apeqqu 5

Akissut aapiuppat nammineq sumiiffimmi akuersissuteqarfigisami naammattunik uumasooqanngikkaangat sumiiffiit akuersissuteqarfiit avataanni uumasunut aallaaneqartunut marloqiusamik akitsuummik aamma akiliisoqartassava?

Apeqqu 5-imut Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfiup oqaaseqaatai:

Apeqqu 4-mut akissut takuuk.

Apeqqu 6

Akitsuut taanna sianiitsorpallattoq eqqunneqassappat taava 2020-mut utaqqisinneqarsinnaanngila, taamaalillutik suleqatigisat piffissaqarluartumik nalunaarfigineqarsinnaallutillu nittartakkani akinik qaffaanerit iluarsineqassammata?

Apeqqu 6-imut Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfiup oqaaseqaatai:

Neqeroortitsinerneq najoqqutassiat naapertorlugit akuersissutit tunniussat, taamaalillutillu piunnaasaqatit 2019-imi atuutilissapput.

Apeqqu 7

Sumiiffinni assigiinngitsuni taakkunani periarfissaasut oqimaaqatigiinngillat. Assersuutigalugu sumiiffinni marlussunni akuersissummik piginnittoq sumiiffigisassaminni aasakkut ukiuuneranilu uumasunik nassaarsinnaassapput, tamannalu ilutigalugu ukiuunerani snescooteri/ATV atorsinnaassallugu.

Kisiani sumiiffiit allat tamarmik aasakkut ukiuuneranilu aammalu snescooterinik angallannerneq periarfissaqartuunngitsut. Tassalu taakku pitsaanerpaanik sumiiffinnik pissarsinngitsut aasakkut ukiuuneranilu uumasunik nassaarsinnaaniarlutik minnerpaamik sumiiffinnik akuersissuteqarfiusunik 2-nik atuisariaqarlutik, taakkulu aamma sumiiffiit akuersissuteqarfigisamik avataanni uumasut ilaannik amerlasuunik nassaarniartariaqartarlutik.

Taamaattumik apeqqutaalerpoq pissutsit oqimaaqatigiisilerniarlugit, assigiissitamik akiliuteqarnerup attannissaanut iliuuseqartoqarsinnaannginneroq, sumiiffigisaminni uumasunik

nassaarsinnaaneri imaluunniit nassaarsinnaannginneri apeqqutaatinnagu, taamaalillutik sumiiffinni pissarsiarisinnaasaminnik uumasunik peqannginneranut outfitterit pillarneqassanngimmata?

Apeqqu 7-imut Inuussutissarsiornermut, Suliffeqarnermut, Niuernermit Nukissiuuteqarnermullu Naalackersuisoqarfiup oqaaseqaatai:

Sumiiffiit akuersissuteqarfiusut atugassiissutaasut taakku, sumiiffinni 1-12-imiittuni takornariartitsinermit tunisassiamik tammajuitsussarsiorluni piniarnermik imaqtartut, aammalu tamatumunnga atasutut sanaartugaqarfiusut imaluunniit tupperluni tammaarsimaarfittallit sumiiffimmuq Qeqqata Kommuniata kommunip pilersaarutaani atugassiissutaapput. Kommunip pilersaarutaa inaarutaasumik kommunalbestyrelsimit akuersissutigineqarnera sioqqullugu tamanut ammasumik tusarniaassutaasimavoq.

Sumiiffiit akuersissuteqarfiusut iluini piniakkanut pisanerit ataasiakkaanut akitsuutissatut aalajangiussat Namminersorlutik Oqartussanit aalajangerneqarput, akitsuutillu annertussusaat ukiumut ataasiakkaartitatut aningaasanut inatsimmi aalajangerneqartarpoq.

Taamaattorli tammajuitsussarsiorluni piniarnermik suliaqartoq tammajuitsussarsiorluni piniarnermut akuersissummik nalunaaruteqarfiusut sumiiffiit avataanni umimmanniarluni akiliuteqarluni piniarnermik aqqissuussinissamut akuersissuteqarnissaq pillugu manna tikillugu akiliuteqarluni piniarnermut malittarisassat atuuttut malillugit Namminersorlutik Oqartussanut suli qinnuteqarsinnaatitaavoq, takuuk Akiliuteqarluni aallaaniarneq aalisarnerlu pillugit Namminersornerullutik Oqartussat nalunaarutaat nr. 22, 19. august 2002-imeersoq.

Immikkoortoq 5.2

Nakkutilliinermit atatillugu angallannermit aningaasartuutit akuersissummik piginnittumit akilerneqassapput.

Apeqqu 8

Imaappa nakkutilliartornissamik kommuni aalajangiussaqaarsinnaasoq, taavalu S61-imik attartorsinnarlutik Sisimiunut aatillutik, nakkutilliartorsinnarlutik Sisimiunut uteqqissallutik, taamaalilluni qulimiguulimmik attartornermut akuersissummik piginnittut ataasiakkaat 150.000 kr.-nik akiliisariaqassallutik?

Imaluunniit imaappa kommunip outfitteri attaveqarfiggissagaa taavalu outfitteri peqatigalugu sumiiffimmuq immakkut/nunakkut angalasinnaallutik/pisussinnaallutik, taava tamatumunnga outfitteri angalanissamik isumaginnissalluni?

Apeqqu 8-mut Inuussutissarsiornermut, Suliffeqarnermut, Niuernermit Nukissiuuteqarnermullu Naalackersuisoqarfiup oqaaseqaatai:

Neqeroortitsinermit atugassani immikkoortoq 5.2-mi angallassermit aningaasartuutit pisinnaatitsissummik piginnittumit akilerneqassanerit allassimanera eqqorpoq.

Inatsisartut inatsisaanni § 26-ata malitsigaa:

”Sulianik suliarinninnermit atatillugu kiisalu inatsisartut inatsisaat malillugu oqartussatut suliarinninnermit allanut aningaasartuutit pisinnaatitsissummik pigisaqartup akilertussaavai. Akiliut sullinneqarnermi akiliutitut imaluunniit aningaasartuutinik utertitsinerit akileqquneqarsinnaavoq.”

Inatsisartut inatsisaanni § 26-mut oqaaseqaatini allassimavoq aningaasartuutit akiliutiginissaat pillugit aalajangersakkamut siunertarineqanngitsoq § 26-mi tunngaveqartumik Naalackersuisut

anigaasartuutigisimasaat sinnerlugit akitsuutinik akileqqusisoqarsinnaanera, soorlu aamma Naalakkersuisut akiliutigisimasaat sinnerlugit anigaasartuutinik uterteqqusisoqarsinnaanngitsoq.

Taamaattumik nakkutilliinermut atatillugu anigaasartuutinut akiliutaasimasunut uppersaateqarnissaq piumasarineqarpoq, soorlu aamma akuersissummik piginnittumik illersuutitut suliarisap/nakkutilliinerup aamma tamatumunnga anigaasartuutinut akiliutaasunut naleqqiullugu tulluartaunissaa pillugu nalinginnaasumik piumassaqaataasoq atuuttussaassalluni.

Pissutsit immikkut ittut atuukkaangata anigaasartuutit annikitsut naatsorsuutaapput. Nalinginnartut malittarisatut nakkutilliineq pineqarpoq, immikkoortortamut nakkutilliinermut sunik tamanik atugarisaqarluni suliaasaqarfimmu pisortap isumagisassaanut naleqqiullugu annertunerusariaqanngitsoq. Nakkutilliinerup nalunaarusianik nassiussanik atuaanikkut pisassaneranik tamanna isumaqarpoq, sumiiffimmili nakkutilliineq, taava soorlu saliinermik illunillu atuinermik nakkutilliinissaq naammattassalluni.

Nalinginnaat sinnerlugit nakkutilliineq anigaasartuutinik akiliutigisimasanik (akiligassaq naapertorlugu) uppersaassutaasunik taarsiinikkut akileqqusarnissaat naatsorsuutigisariaqarput.

Tamanna ilutigalugu nakkutilliinermik pisortat aamma akuersissummik piginnittup akornanni isumaqatigiissuteqarnerup kingornatigut akuersissummik piginnittukut angallassisarnerup pisinnaanera naalakkersuisoqarfiup malugeqqussavaa.

Nakkutilliinernut ataasiakkaanut tamanut malittarisatut akitsuummik aalajangersimasumik aalajangiisoqarumaanera aamma naatsorsuutigineqarpoq, piffissami akuersissuteqarfiusumi ukiuni siullerni anigaasanut ikinnerusunut aalajangiiffiussasutut tamanna naatsorsuutigineqarluni.

Apeqqu 9

Tamatuma saniatigut angallassinermut anigaasartuutit akiliutaanissaannut piumasaqaateqartoqarsinnaaneranut inatsisini tunngavigisassamik nassaarsinnaanngilanga. Taamaallaat allassimavoq:

§ 26. Sulianik suliarinninnermut atatillugu kiisalu inatsisartut inatsisaat malillugu oqartussatut suliarinninnermut allanut anigaasartuutit pisinnaatitsissummik pigisaqartup akilertussaavai. Akiliut sullinneqarnermi akiliutitut imaluunniit anigaasartuutinik utertitsinertut akileqquneqarsinnaavoq.

Tamanna nakkutilliinermut nalinginnarmik angallassinermut anigaasartuutit akileqqusaanissaanut periarfissiinngilaq, paarlattuanilli akuersissummik pisortat suliaqarnerpiaat taamaallaat pineqarpoq. Taamaattumik inatsit nr. 19, 3. dec. 2012-imeersumut naleqqiullugu piumasaqaat unioqqutitsisuunnginnerpa?

Apeqqu 9-mut Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfiup oqaaseqaatai:

Inatsisartut inatsisaanni § 26-mi oqaasertaliussaq: ”sulianik suliarinninnermut atatillugu kiisalu inatsisartut inatsisaat malillugu oqartussatut suliarinninnermut allanut anigaasartuutit” aqutsisoqarfimmi ileqqusutut sulianik isumaginninnerinnermut tunngasuunngilaq, aammali assersuutigalugu nakkutilliinermut tassungalu atasutut suliarisanut, soorlu angallannermut, soorlu tamanna Inatsisartut inatsisaanni § 26-mut oqaaseqaatini takuneqarsinnaasoq.

Taamaalilluni tassunga atatillugu nakkutilliinermut kiisalu angallassinermut aningaasartuutunik akileeqqusinernik akuersissummik piginnittumit/pisinnaatitsissummik piginnittumit matussusernissaannik piumasaqarnissamut Inatsisartut inatsisaanni tunngavissaqarpoq.

Immikkoortoq 6.7.1

Apeqquut 10

Immikkoortortami qinnuteqartumut piumassaqaatit inuttut, imaluunniit A/S-itut imaluunniit ApS-itut ikkaluaraanni nassuarneqarput. Immikkoortumili ilaat ApS-iunatilluunniit A/S-iunatik inuit ataasiakkaarlutik namminersuutigisatut suliffeqarfiutigineri, soorunalumi IIN nr.-qarlutik sianigineqanngilaq. Tamatumalu nassuiaatit arlalitsigut nalornissuteqarfigitilaarpat. Assersuutigalugu maannakkut pisumi, qinnuteqartoq inuttut namminersuutigisatut suliffeqarfigisamik ingerlassaqtuulluni.

Tulliuttut aningaasaqarnermi piumassaqaatit ataanni kukkunersiuisumit uppersakkunik ukiumoortumik nalunaaruteqartarnissamut piumassaqaat ippoq. Inuttulli namminersuutigisatut suliffeqarfiuteqaraanni kukkunersiuisussamik atugaqarnissaq pillugu piumasaqaateqartoqanngilaq. Taavali akileraartitsisoqarfimmut nammineq nalunaaruteqaatinut ilaliullugit ukiumoortumik naatsorsuutit, taakkunanit akuerisaasunik inissinneqartarlutik.

Taamaattumik ukiumoortumik naatsorsuutit, kiisalu akileraartitsisoqarfimmi nakkutilliissutitut paasissutissanik pissarsisoqarsinnaanerani akuersissummik ilanngullugit nassiunnissaat naammassannginnerpa?

Apeqquut 10-mut Inuussutissarsiornermut, Suliffeqarnermut, Niuernermit Nukissiuuteqarnermullu Naalackersuisoqarfiup oqaaseqaatai:

Inuup namminersuutigalugu suliffeqarfiata ukiumoortumik naatsorsuutit namminerlu nalunaaruteqaatit kingulliit, akileraartitsisoqarfimmut tunniunneqartut nalunaarneqartutuulli tunniussinnaavai. Akileraartitsisoqarfimmi nakkutilliissutitut paasissutissat pissarsiarineqarsinnaanerit naammappoq.

Apeqquut 11

Inummi/inuup namminersuutigalugu suliffeqarfiutaani ”suliffeqarfiup aningaasaqarnermini oqimaaqatigiissitsinera”-nut taarsiullugu suna inissinneqassava? (inuup namminersuutigalugu suliffeqarfiutaa tassaammat suliffeqarfiup aamma inuup aningaasaqarnera ataasinngortitatut attavilersimasuummata).

Apeqquut 11-mut Inuussutissarsiornermut, Suliffeqarnermut, Niuernermit Nukissiuuteqarnermullu Naalackersuisoqarfiup oqaaseqaatai:

Nammineq nalunaaruteqaat akileraartitsisoqarfimmut tunniunneqartoq kingulleq, ukiumoortumik naatsorsuutitut ilaliullugu tunniunnissaa naammappoq.

Apeqquut 12

Neqeroortitsineri sumiiffiit agguataarneri ullumikkut sumi kikkut tammajuitsussarsiorluni piniartitsinerat pillugit pissusiviusut sianigineqanngillat. Ullumikkut outfitterioreersut assigiaartumik agguataarsimasuupput, ataatsikkullu sumiiffinni assigiinni piniarneq ajorlutik. Ukiakkut immikkoortitersimasarpugut, ukiumoortumik qaqutikkut takugaangatta

avissarluuta ingerlasarpugut, taamaalilluta sumiiffiit assigiit orninneq ajorlutigit. Taamaalillutik sumiiffiit titartagaasut aaqqiagiinneginnik ajornartorsiutinillu ullumikkut atuutinningsunik pilersitsissapput.

Assersuutigalugu ukiuunerani outfitterip tikiffisagaanik, allallu ukiakkut tikiffisagaanik sumiiffeqarpoq. Taamaallaalli ataasiinnaq sumiiffimmik pissarsisinnaavoq (akunnerminni isumaqatigiissutigissanngikkunikku), taamaalillutik allamik patsiseqarani sumiiffimmi nunap assingani, ullumikkut ajornartorsiuteqarfiunngitsumi titarnilortoqarsimaneranik pissuteqartumik illua'tungiusup imaluunniit arlallit piniarnerata aserorsagaaneranik tamanna nassataqartitsissaq.

Ukiorpassuit qaangiuttut amerlasuunik apersuereernerup kingornatigit sumiiffiit immikkoortiternerat suliarineqarpoq, taamanikkutuulli pissutsit maanna inngillat, taamaattumillu akuersissuteqarnermik neqeroortitsinermut tunngavigisaq Oqaluttuarisaanermiippoq.

Taamaattumik sumiiffiit immikkoortiterneri suliareqqinreqarsinnaannginnersoq apeqqutiginiarpara, aammalu pissusiviusut malillugit immikkoortiterneqartillugit, sumiiffiillu amerlasuut atugarisaat akuersissuteqarfiutinnagit, taamaalilluta ullumikkut piniartarnigut tamatta ingerlatiinnarsinnaassallutigu?

Apeqqu 12-imut Inuussutissarsiornermut, Suliffeqarnermut, Niuernermut Nukissiuuteqarnermullu Naalackersuisoqarfiup oqaaseqaatai:

Akuersissuteqarfittut sumiiffinni atugassiani taakkunani killilersuinernut tunngatillugu Qeqqata Kommunia tassaavoq tamanna pillugu aalajangiisartuq, tammajuitsussarsiorlunilu piniarnermut akuersissutinut sumiiffiit atugassiaasut taakku 2012-2024-mut Qeqqata Kommuniata kommunip pilersaarutaani (kommunip pilersaarutaanut tapiliut nr. 7) akuersissutigineqartumi takuneqarsinnaapput. Tammajuitsussarsiorluni akuersissutissanut takkuttussanut ajornanngippat qinnuteqarsinnaasut allat peqatigalugit kommunimut attaveqarnissarsi naalackersuisoqarfiup kaammattuutigissavaa.

Apeqqu 13

Sumiiffiit ataatsimoortillugit atugarilersinnaallugit ataatsimoorullugit neqerooruteqartoqarsinnaagaluartuq suliffeqarfinnut unammillerfigisanut akiliissuteqassaneq aningaasaqarnikkut annertungaatsiartumik aarleqqutitaqassaaq. Ilanngutissapput suleqatigiinnermi pinngorsinnaasut ajornartorsiutit tamanit takuneqarsinnaasut, ilorraap soorlulusooq killup tungaanoortut, unammillertoqarnermut inatsisip unioqqutinneranut imaaliallaannaq allanngoriataarsinnaasut.

Kisianni sumiiffiup akuersissuteqarfigisap outfitterimut allamut atugarisinnissaa ajussanngila? Assersuutigalugu sumiiffimmi tulliutitaasumi, nammineq taamaallaat ukiuunerani atugarisap allanut ukiakkut atugaritittarlugu. Imaluunniit assersuutigalugu sumiiffisap isuinik immikkut tamarmik atugaqartarlutik, kiisalu soorunami akuersissummik piginnittuusup akisussaaffinngisaanik, sumiiffimmimmi atuisup pinerluttulerinermut inatsit imaluunniit piniagaqarnermut inatsit unioqqutissagaluarpagu. Kiisalu isumaqatigiissummi taamatut ittumi aningaasat ilanngunneqarsinnaapput?

Apeqqu 13-imut Inuussutissarsiornermut, Suliffeqarnermut, Niuernermut Nukissiuuteqarnermullu Naalackersuisoqarfiup oqaaseqaatai:

Nunami sumiiffik killilersugaq tammajuitsussarsiorluni piniarnermut akuersissutilinnut atugassarineqarpat tammajuitsussarsiorluni piniarnermut akuersissummik nalunaarfigineqartutut pininnaatitsissummik piginnittoq kisimi sumiiffimmi pineqartumi akileeqqusilluni tammajuitsussarsiorluni piniarnermik neqerooruteqaqqusaavoq. Pininnaatitsissummik piginnittoq inatsisaasunik paasinninnermi tassaavoq timalittut inuk imaluunniit ingerlatseqatigiiffik (inatsisitigut

inuttut naatsorsuussaq). Tamanna tunngavigalugu sumiiffimmi nammineq tammajuitsussarsiorluni piniarnermut akuersissummik tunineqarfigisimasami akileeqqusilluni tammajuitsussarsiorluni piniarnermik tammajuitsussarsiorluni piniartitsisartup allap neqerooruteqartinnissaa pisinnaangilaq.

Neqeroortitsinermit najoqqutassiani immikkoortoq 5.6 naapertorlugu sumiiffiup akuersissuteqarfiusup iluani pisinnaatissummik piginnittup suleqatigisap inuussutissarsiutitut piniarnermik ingerlassaqartissinnaagaa.

Apeqquut 14

Maannakkut pingaarnertut sumiiffigisaannit kikkut tamarmik peerneqassanerat assupilussuaq ajoqutaassamat, aammalu arlaat illuaraateqarlutillu allanik atortuuteqarlutik, sumiiffimmi ataatsimi maannakkut suliaqartuusut qinnuteqarnermut tunngatillugu ullumikkut sumiiffimmi atuisuunngitsunut qinnuteqartunut naleqqiullutik iluaqutissartaqarnissaannik nalilersuinermit najoqqutarisanut ilaaterneqarsinnaangila?

Apeqquut 14-imut Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoqarfiup oqaaseqaatai:

Neqeroortitsinermit najoqqutassiani immikkoortoq 6.7-imi akuersissummik nalunaaruteqarfigineqarsinnaanermut qinnuteqartut naapertuutsitassaannik najoqqutassiat arlallit inississorneqarput. Tassaapput najoqqutassiat kinaassusersiunngitsut, qinnuteqartut tamarmik naapertuutsitassaat.

Immikkoortoq 6.8-mi piumasagaatit neqeroorutinut piffissaq eqqorlugu nassiunneqarsimasunut toqqartuiffiusussanullu najoqqutassiat atorneqarumaartut inississorneqarput. Najoqqutassiat 4 tunngavigalugit piffissaq eqqorlugu qinnuteqaatit tunniunneqartut nalilerneqarumaarput. Najoqqutassiat ataasiakkaat tamarmik qinnuteqaammik tamakkiisumik nalilersuinermit 25 %-inik oqimaassusilerneqarput.

Tamakkiisutut nalilersuinermit ilaasutut najoqqutassiat 4 tassaapput:

- Suliarisassanut pilersaarutigisaaq
- Suliarisani immikkut ilisimasaqassuseq/suliarisanik ilisimasaqarlunilu suliniutinit assingusunit misilittagaqarneq
- Aningaasaliinissamut pilersaarutigisaaq
- Kalaallit Nunaanni tunngaveqartitsineq

Aamma Kalaallit Nunaanni inuiaqatigiinni tunngaveqarnissaaq pillugu apeqquut 2-mut akissut innersuussutigineqarpoq.

Aammattaaq neqeroortitsinermit najoqqutassiani Suliniutissanut pilersaarut pillugu immikkoortoq 6.6.2 innersuutigineqassaaq. Tassani ilaatigut allassimavoq qinnuteqaat piviusumik suliniutissanut pilersaarummik imaqaasasoq, tassani allassimassalluni takornariartitsinermit tunissasiat siunnersuutigineqartut, soorlu tikeraanut tammajuitsussarsiorluni piniarnerit, qinnuteqartup qanoq tunniunniarnerai. Tamanna ilutigalugu suliniutip tunngaviginiagai illut illuaqqallu il.il. sorliussaneri qinnuteqaammik ilisimatitsissutigineqassaaq. Tassani assersuutigalugit illuaqqat pioreersut ilaatinneqarsinnaapput. Aammattaaq immikkoortoq 6.8.1 naapertorlugu suliniutissanut pilersaarut nalilersuinermit najoqqutassiani 25 %-ilikkamik ilaatinneqarpoq.

Apeqquut 15

Atortussiani nassiunneqartuni paasissutissat isertuussat, soorlu naatsorsuutit, iliuusissatut pilersaarutit, pisisumik suleqatigisamillu paasissutissat, pilerisaarineramik ingerlassat il.il. imarimmagit paasissutissat tamakku isumaqatigiissuteqarfiup avataaniittunit ilisimaneqalernissaat iluanngitsupilussuussaaq. Taamaattumik paasissutissat nassiunneqartut tamanut saqqummiutissannginnerat, ingerlateqqinneqassannginnerat, allatulluunniit atornerlunneqassannginnerat pillguit qularnaveeqqusiisoqarnissaa kissaatigineqarpoq. Tamanna neqeroortitsinermi ilanngunneqarsinnaava, aamma/imaluunniit Namminersorlutik Oqartussat paasissutissanik tamanut saqqummiussaqaqqusaanerannut/ingerlatitseqqeppusaanerannut nangaassuteqartuuneq akuerineqarsinnaava sumiiffimmik(-nik) qinnuteqaataasumut tamanna sunnuteqartinnagu?

Apeqquut 15-imut Inuussutissarsiornermut, Suliffeqarnermut, Niuernermet Nukissiuuteqarnermullu Naalakkersuisoqarfiup oqaaseqaatai:

Namminersorlutik Oqartussat aamma Qeqqata Kommuniata pisortani oqartussaasoqarfittut Aqutsisoqarfimmi sulianik isumaginninneq pillugu Inatsit, aamma Aqutsisoqarfimmi ammasuutitsinissaq pillugu Inatsit malittarissavaat, ilanngullugit paasissutissat isertuussat ingerlateqqinneri aamma oqaqqusaannginneq pillugu malittarisassiat malissallugit.

Apeqquut 16

Nalilersuinermet najoqqutassat erseqqarippallaanngillat. Pingaarnertut sisamanngorlugit 25 %-inik tamarmik pingaarnersiugaralugit immikkoortinneqarsimagaluarput, immikkoortunili ataasiakkaat ataanni immikkoortut taakkununga ilaatitat nalilerneqarsimanngillat, taamaattumik isumasiuineq apeqqutaalissaaq.

Assersuutigalugu imm. 6.8.4 Kalaallini aallaaveqarneq:

25 %-init taakkunanit najukkamit atorfeqartitatu siulersuisut qanoq annertutigisumik naleqarpat!

Najukkamit atorfinitsitatu takornarianik angallassisartu qanoq annertutigisumik naleqarpat!

Ilinniarsimaneq pikkorissaanerlu qanoq annertutigisumik naleqarpat!

Sulisut allat, angallassineq, nerisaqartitsineq, pisiortoneq, allat attuumassutillit il.il.

Neqeroortitsineq paatsuunganartutut sanaartugaavoq, kisiannili nalilersuinermet najoqqutassat ima erseqqarinnngitsigaat aalajangiussaqaarneq tamatigut kukkusuunera qularuteqarfiusassalluni.

Taamaattumik qinnuteqaatit qanoq nalilersorneqartarneri isumaliortaatsinut

naleqqussarnerusinnaallutillu ersarissarneqarnerusinnaannginnerpat?

Apeqquut 16-imut Inuussutissarsiornermut, Suliffeqarnermut, Niuernermet Nukissiuuteqarnermullu Naalakkersuisoqarfiup oqaaseqaatai:

Pineqartoq tassaavoq naliliinissamut najoqqutat ataasiakkaat tamarmik iluini najoqqutassanik ataasiakkaanik tamanik tamakkiisumik nalilersuineq, taamaalillutik najoqqutani ataasiakkaani tamani immikkoortut ataasiakkaat 25 %-imik oqimaassusilerlugit nalilersorneqassallutik. Najoqqutassamut ataasiakkaamut oqimaassuseq tamarmiusoq kingornatigut nalilersuinermet najoqqutat sinnerinut naleqqiullugit 25 %-iutillugu ilaatinneqassaaq.

Tassaavoq pimoorussatut nalilersuineq, ilaasussat tamaasa tassani sianigineqarlutik. Qinnuteqaatit kinaassusersiunngitsunik sulianullu tunngasunik najoqqutassat aallaavigalugit nalilersugaanissaat kikkut tamarmik soqutigisarissavaat. Takornariartitsineramik inuussutissarsiorfiup nukittorsarnissaa naalakkersuisoqarfiup aamma Qeqqata Kommuniata assut soqutigisaraat, najoqqutassallu

toqqartugaasut takornariartitsinermik suliaqartut ingerlataqartuusut pitsaasumik inissisimatikkaat naalakkersuisoqarfik isumaqarpoq.

Apeqquut 17

Tassaasoq apeqquut 16-imut annertungaatsiartumik tallissut.

Naak imaaliiallaannaq neqeroortitsinermut matumunnga maalaaruteqartarnermut aqqissuussiviup tamarmiusup taamaatinneratigut illua'tungeriinnut tamanut aningaasaqarnikkut piffissaajannginnermillu annertuumik iluaqutissartaqaraluarpoq, paarlattuanillu eqqartuussivimmi ingerlassanut toqqaannartumik ingerlariaqqittoqarluni. Kikkut tamarmik sumiiffinnik kissaatigisaminnik arlaatigut iliuseqarluni pissarsiaqartoqassanngippat taamatut piimaartussaammata. Suliffimminnik ingerlatitseqqinnissaminnut ullumikkut pisariaqartitaminnit sumiiffinnit outfitterit peerneqarpata, taamaalillunilu ukiut tullisa ingerlaneranni aningaasartuutilerneaqlutik, hunnoruju tusintinik arlaliusinnaasunik, taava inatsisilerituumut 100.000-inik atuisoqarnissaa pingaaruteqassanngilaq.

Taamaattumik tamatuma saniatigut ilisimavara inatsisitigut piumasagaataasoq, takuuk inatsisit ingerlatsinermut tunngasut, pisortani oqartussaaffinnit aalajangiussinerit tamarmik maalaarutaasinnaallutik, aammalu itigartitsisoqarnerani maalaaruteqarnissamut ilitsersuummik peqartoqassalluni. Kiisalu inatsisaasuni sulianillu isumagininnermi qularutissaq sunaluunniit innuttaasumut ajoqutaanngisaannassalluni. Taamaattumik maalaaruteqarnermut ilitsersuutip ilanngutinngitsoorneratigut ajornartorsiut iluartaunngitsoq sulii ajornersinneaqsinnaavoq, ingammik apeqquut 16-imi isumagineqassanngikkuni ajornartorsiutaasumik tunngavigisaq isigalugu. Taamaattumik maalaaruteqarnissamut periarfissamik, aamma tassunga ilitsersuummik ilanngussisoqassannginneroq apeqquutigerusuppara?

Apeqquut 17-imut Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoqarfiup oqaaseqaatai:

Neqeroortitsinermi najoqutassiani immikkoortoq 7.4-mi allassimavoq Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-meersumik tunngaveqartumik aalajangiinerit oqartussanut allanut maalaarutigineqarsinnaanngitsut.

Qinnuteqartoq, qinnuteqaammut itigartitaasimasoq, imaluunniit sumiiffimmu kissaatigisamut akuersissuummik tunineqarsimanngitsoq tammajuitsussarsiorluni piniarnermut akuersissutip nalunaarutiginera pillugu pisortaqaqfimmu piviusumik aalajangiussaqaarsimasumut maalaaruteqarsinnaaneranut tamanna killiliinngilaq.

Apeqquut 18

Taama annertutigisunik erseqqitsoqannginnera, sumiiffinnik tulluanngitsumik immikkoortiterisoqarnera, sumiiffinnilu arlalinni uumasut amigaataanerit pissutigalugit neqeroortitsineq atorunnaarsinneqarsinnaannginneroq apeqquutigerusuppara, umimmaallu uumasuutigisat amerleqqinnissaat utaqqimaarlugu, aammalu akuersissutit inuussutissarsiorfimmu tamarmiusumut iluaqutissanik annertunerisunik nassataqartitsisillugu neqeroortitsinerit eqqarsaatigeqqinneqarsinnaallutik?

Apeqquut 18-imut Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoqarfiup oqaaseqaatai:

Neqeroortitsinermut najoqqutassat ”Qeqqata Kommuniani tammajuitsussarsiorluni piniarnermut akuersissut” tamanut saqqummiussat takornariartitsinermut akuersissuteqartarnerit iluanni neqeroortitsinermut najoqqutassiaq Naalakkersuisut akuersissutigisimasaat malittaraat.

Immikkoortoq 2 naapertorlugu neqeroortitsinermut najoqqutassiani qinnuteqartitsinermut piffissaliussami neqeroortitsinermut najoqqutassiani erseqqinngitsumik ilanngussaasinnaasut sianigineqarput, akuersissummut najoqqutassiani apeqquilliinissamut periarfissiisoqarsimammat.

Tamatuminnga takornariartitsinermik suliaqartut arlallit atugaqarsimapput, nalornissutaasunullu apeqqutinut akissuteqaatit neqeroortitsinermut najoqqutassianut annertunerusumik erseqqarissanissaat naalakkersuisoqarfiup neriutigaa.

Kiisalu Qeqqata Kommuniani tammajuitsussarsiorluni piniarnermut akuersissutinut qinnuteqaatip suliarineranut atatillugu Greenland Business A/S-imut imaluunniit Visit Greenland A/S-imut saaffiginninnissamut periarfissaqarneq Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoqarfiup malugeqqussavaa.